



IV GOVERNUN KONSTITUSIONAL
SEKRETARIA ESTADU KONSELLU MINISTRUS

REPUBLIKA DEMOKRÁTICA TIMOR-LESTE
IV GOVERNUN KOSTITUSIONAL
SEKRETARIA ESTADO KONSELLU MINISTRUS
KOMUNIKADU BÁ IMPRENSA

Sorumutuk Konsensellu Ministrus iha loron 15 fulan Jullu tinan 2009

Konsensellu Ministrus hala'o sorumutuk iha Kuarta-feira ida ne'e, loron 15 fulan Jullu tinan 2009, iha Sala Sorumutuk Konsensellu Ministrus nian, iha Palásiu Governu iha Dili, no aprova:

1. Rezolusaun ne'ebé aprova Kriasaun ba Komisaun Interministeriál ba akompañamentu iha projetu infraes-trutura Estadu nian.

Konsensellu Ministrus aprova Komisaun Interministeriál ba Akompañamentu ba Projetu infraestrutur Estadu nian, ne'ebé halo parte husi membru Governu nian hotu-hotu ho projetu infra-estrutur ne'ebé hala'o hela no sei funsiona ho koordenasau husi Vise-Primeiru-Ministru ba Asuntu jestaun Administrasau Estadu nian. Komisaun ida ne'e atu halo akompañamentu ba ezekusaun servisu hirak ne'ebé iha ligasau ba projetu fiziku hirak ne'ebé atu hala'o no hetan apoiu husi Gabinete Apoiu Tékniku nian ida. Gabinete Apoiu Tékniku mak iha kompeténsia atu organiza no hala'o kna'ar sekretariadu nian ba sorumutuk Komisaun Interministeriál, kria no mantein atualizadu baze dedadus ida kona-ba projetu fiziku hotu-hotu ne'ebé hala'o hela no apresenta rekomendasau sira kona-ba prosesu ezekusaun husi projetus (ho hanoin ida atu substitui, hadi'a ka aselera prosedimentu hirak ne'ebé mak vigora hela).

2. Rezolusaun ne'ebé aprova Kriasaun ba Komisaun Interministeriál ba Dezenvolvimentu Rurál

Komisaun Interministeriál ba Dezenvolvimentu Rurál (CIDR), ne'ebé ohin hetan aprovasau, ho objetivu atu koordena programa hirak ba dezenvolvimentu rurál nian. Nia kompeténsia atu define área hirak ne'ebé sai nu'udar prioridade iha dezenvolvimentu rurál, aseguara koordenasau interministeriál ida ne'ebé di'ak iha definisau, implementasun no ezekusaun husi projetu hirak, atu koordena no aseguara ho parseiru sira ba dezenvolvimentu. Halo parte iha Komisaun ne'e, Vise-Primeiru-Ministru ba Asuntu Jestaun Administrasau Estadu nian hanesan (koordinadór), husi Ministra Finansas, Ministru Saúde, Ministru Edukasaun, Ministru Administrasau Estatál i Ordenamentu Teritóriu, Ministru Ekonomia i Dezenvolvimentu hanesan (vise- koordinadór) Ministru Infra-Estrutura, Ministru Agrikultura i Peska no hetan apoiu husi Gabinete ba Apoiu Tékniku ida. Gabinete ida ne'e, sei partisipa husi Ministériu Ekonomia i Dezenvolvimentu

(Sekretaria Estadu ba Dezenvolvimentu Rurál) Ministériu Infra-Estrutura no Ministériu Agrikultura i Peska, sei hetan funsaun atu fó apoiu ba CIDR iha koordinasaun ba programa, implementa ninia desizaun, dezenvolve diálogo entre VPM, Ministériu hirak ne'ebé relevante no parseiru dezenvolvimentu sira no iha tempu ne'ebé hanesan sei apoia kriaun ba baze dedadus ida.

3. Rezolusaun ne'ebé aprova Akordu Jerál ba Kooperasaun Ekonómika, Komersiál, Téknika, Sientífika i Kulturál entre Repúblika Angola no Repúblika Demokrátika Timor-Leste no nia respetivu Protokolu Komplementár kona-ba Kriaun ba Komisaun Bilateral ida.

Akordu ida ne'e atu halo metin liután lasu amizade no kooperasaun nian entre Repúblika rua ne'e no haree ba kreximentu ekonómiku no dezenvolvimentu husi Estadu rua ne'e.

Bainhira konsulta entre Parte hirak ne'e favorese dezenvolvimentu ba relasaun bilateral no kooperasaun kona-ba asuntu internasionál, tuir prinsípiu husi Karta Nasoens Unidas nian no norma hirak ne'ebé aseita iha mundu tomak kona-ba Direitu Internasionál, mak obriga atu harii Komisaun Bilateral ida iha nível diplomátiku.

4. Rezolusaun ne'ebé aprova Proposta ba Planu Estratéjiku husi CPLP ba Repúblika Demokrátika Timor-Leste

Haree ba importánsia atu hakle'an lasu kooperasaun nian ho paiz luzófonu sira ne'ebé inklui iha Komuidade Paiz sira ho Lian Portugés (CPLP) no interese Governu nian atu hadi'a promosaun, difuzaun no utilizaun lian portugés, kapasitasaun téknika ba instituisaun pública sira, ho apoiu husi CPLP no ninia Estadu-Membru sira, membru sira husi Konsellu Ministru nian aprova Proposta ba Planu Estratéjiku CPLP nian ida ne'e.

5. Dekretu Governu nian ne'ebé fiksa Valór husi Variável ba kálkulu ba Vensimentu PNTL nian.

Governu fiksa ona ba Dólar ida valór Variável, ne'ebé prevee iha artigu 7º husi Dekretu Lei nº 10/2009 lora 18 fulan Feveiru, ba efeito hirak kona-ba kálkulu ba renumersaun baze husi Ajente no Ofisiál Polisia Nasionál Timor-Leste nian.

6. Dekretu Governu nian ne'ebé fiksa Valór Mensál ba Subsídium Alimentasaun ba PNTL

Dolar América 20 mak hanesan valór mensál ne'ebé Konsellu Ministrus aprova nu'udar subsídium alimentasaun nian ba PNTL.

Konsellu Ministrus analiza ona mós:

1. Apresentasaun ne'ebé aprova Política ba Enerjia Rurál

Membru Konsellu Ministrus nian sira iha oportunidade hodi rona, husi parte Sekretaria Estadu ba Política Enerjética, apresentasaun kona-ba planu ba Política Enerjia rurál ne'ebé halo parte husi Política Enerjética Nasionál. Ninia intensaun mak atu hamenus dependénsia enerjética, hodi hamenus importaun hirak ne'ebé tama nafatin mai rai laran, tanba ne'e presiza utiliza fonte enerjia alternativa no renovável hirak ne'ebé barak tebes iha país nia laran.

Ho nune'e, iha zona oioin paiz ne'e nian ne'ebé enerjia sai hanesan rekursu ida ne'ebé kuaze la iha, sei bele haree iha política ida ne'e melloria ba kondisaun vida nian no kriaun ba oportunidade foun iha nível husi atividade produtiva no servisu sosiál hirak ne'ebé iha área saúde no edukasaun.

Iha sorumutuk ohin loron nian halo apresentasaun kona-ba sistema Biogás, possibilidade ba produsaun Biogás iha Timor-Leste no benefisiu hirak ne'ebé sistema ne'e sei fó: hamenus tesi ai, kontaminaun ba bee hemu no insetu sira (tanba konsekuénsia husi moras) produsaun gás hodi te'in no naroman husi gás presau nian.

Enerjia eólíka, sai hensan rekursu ida ne'ebé Timor-leste bele aproveita haree ba ninia situaun Jeográfika no kondisaun klima nian. Maski investimentu inisial bele boot, sei bele haree diminuisaun ba poluisaun, bainhira utiliza enerjia renovável, no sei bele uza mós sistema íbridu karik laiha anin ho kapasidade suficiente ba produsaun ne'e rasik.

2. Apresentasaun ne'ebe aprova Política Nasionál ba Kultura

Ministériu Edukasaun, husi Sekretaria Estadu Kultura, apresenta Rezolusaun ne'ebé aprova Política Nasionál ba Kultura. Política ida ne'e prevee prezervasaun no divulgasaun patrimóniu no valór kulturál i artístiku Timor-Leste nian liu husi konjuntu liña asaun ida ne'ebé inklui kriaun lejislasaun, apoiu iha programa investigasaun, edukasaun i formasaun no harii infra-estrutura atu nune'é, suporta asosiasaun no atividade kulturál nune'é mós iha kolaborasaun ho entidade sira seluk ne'ebé relevante iha área kultura.